

涿州風土記

歙朱穎著





學校

涑州風土記第四

凡學校之制有三曰廟學曰書院曰義學舊時興壞之蹟久輒湮滅惟碑刻頗可考宋以前邈矣安平廟學有宋眞宗御製文宣王贊爲元祐六年刻石者元至元中饒陽學記謂舊學鞠爲瓦礫獨存大觀一碑今饒陽大觀碑亾久矣安平尙有之蔡京奉勅題額所謂大觀聖作之碑者也其文以孝弟睦婣任恤忠和八行考士糾以八刑明以來學宮卧碑近似之其稱三舍升選免身丁諸法猶見宋代學制金源氏學校惟安平存登科題名自大定至興定其刻在大觀碑陰元成宗卽位追述世祖詔書禁約諸官軍

記四

學校

馬毋得在孔子廟媾瀆飲宴工役造作貯官物廟田所出錢糧供春秋上丁朔望祀事學官月給糧廩訓誨後進講習道藝務使成材所謂聖旨碑也其刻在宋御贊碑陰大德十一年有神川孫諧者勒篆文杏壇二字於安平學謂金党懷英所書其父尹青社時自闕里摹得者此諸碑並具金石志中其文詞不關學校之興廢蓋三縣廟學其記並云金季燬於兵至元代皆有碑獨州學則明以前無可考謹畧具至元以來訖光緒脩造故迹爲譜

廟學脩造年表

年號

涑州

武彊

饒陽

安平







武宗正德年

知州李鴻拓廟前地

知縣宋銳脩

三年

知縣王珩脩

十六年

知縣陸載脩並建泮池橋

世宗嘉靖年

知縣張籍姚濂劉沛然馮衷先後脩

教諭李應元脩

知縣楊允脩兩廡按元在文中後

十一年

知縣趙文中脩啓聖祠敬一亭

十二年

文中又脩博文約禮二齋

二十二年

知州錢樞作名宦鄉賢二祠有碑記

知縣姚濂作名宦鄉賢二祠歐陽暉為碑記

知縣郭學書脩

三十五年

知縣楊衷濬泮池作三橋歐陽暉為碑記

知縣張仲孝脩並禮器百二十三事有二碑

知縣王懷忍始脩後知縣曹鈺卒成之刻鑑為碑記

穆宗隆慶年

知縣劉梓脩

神宗萬曆年

知縣劉卿閻球先後脩

記四

學校

三

五年

知州劉應民大脩之新廟地有碑記

知縣劉儀改名宦鄉賢子廟門內有碑

十年

知縣郭效程始脩劉卿卒成之有碑

知縣李時芳脩王三餘為碑記

十九年

主簿張廉建敬一碑亭東西書室

二十五年

知縣曹宗參始脩知縣羅耀卒成之有碑

二十九年

知縣徐九成初尊經閣崔嶼為碑記

四十一年

鑄鐵碑刻万代至聖孔夫子神位九字

熹宗天啓年

知縣王九鼎脩

莊烈帝崇禎四年

知州楊遇堯脩州人檢討吳廷簡為碑

國朝

雍正元年改啓聖祠為崇聖祠

年號

溪州

武彊

饒陽

安平



世祖順治年

知州任三奇韓志道先後  
脩鳳至茹鄧侯泐藏書樓

二年

知縣劉世祚脩

七年

知縣劉朝宗脩

八年

知州朱衣助脩之未  
成以遷去有碑記

聖祖康熙年

學正尤子麟知州張  
泰階先後分脩

二年

知縣李道光脩有碑  
記

七年

知縣李模脩

八年

學正趙吉徵大脩之  
又泐更衣亭

九年

教諭胡一鵬脩並泐  
進德脩業二齋葺田  
數畝供祭燎邑令林  
堯英為記

記四

學子校

四

二十五年

知縣陳宗石脩又建講  
學亭縣人侍讀吳本植  
脩尊經閣舉人武韓脩  
啓聖祠斬閭然為碑記

二十八年

知州李天培脩明倫  
東西六齋

三十一年

縣人御史張星法見  
弟其脩之不資眾力

世宗雍正五年

知縣沈璇脩兩廡名  
宦鄉賢祠

十年

知州徐綬學使者吳  
應業脩移崇聖祠

十二年

知縣黃嘉謨脩大成  
殿

高宗乾隆二年

嘉謨脩明倫堂又縣  
人監生張璠脩名宦  
鄉賢祠失其年月附  
注于此

十三年

知縣單作哲造廟前  
宮牆



二十六年

知州鄒雲城脩有碑記

知縣宿生澍脩明倫堂

仁宗嘉慶十四年

知縣王子晉脩用錢五百萬有碑

宣宗道光元年

教諭梁遵誥脩崇聖祠

知縣彭定澤脩

九年

知縣翟慎行大脩之費七千餘金

知縣彭定澤脩

十年

知州李德脩州人戶部左侍郎趙盛奎為碑

知縣趙強始脩

十八年

知縣曾貫之落成教諭饒大源置禮器

十九年

二十三年

穆宗同治七年

州判張映樞訓導張爾榮脩學正張德潤拓廟西墻地

記四

學校

五

今上光緒廿年

知縣汪寶澍脩崇聖祠戟門

州故城廢學有朱瑛

志作英誤

所刻碑明初學校格式也其文

云洪武二年十月左丞相宣國公奉旨集臺省部官議學

校格式十一月中書省禮部尚書議上詔在所學校鑄之

碑其法凡府州縣學守令躬相視民俊秀及官子弟年十

五已上已讀論孟四子書者選入學擇儒有文學者官與

辨裝赴中書省考驗充學官分科教習禮律書三事為一

科樂射算三事為一科皆訓導掌之府教授州學正縣教

諭講明經史大義令學生知孝悌禮義通曉古今達時務

守令月一考驗取所長學不進有罰其程課侵晨學經史



學律食後學禮樂書算晡時學射試重石械器傍學左右  
隙地爲射圃學生員額府四十州三十縣二十人師生廩  
膳於在所係官錢糧放支學官教士有著效不限資序進  
用在內監察御史在外按察司巡歷到日考視學不進罰  
守令學官俸有差甚者笞守令四十教授月俸米一石五  
斗學正一石三斗教諭一石云此碑瑛與判官王鑑訓導  
魏素立石儒士耿昕書瑛署銜帶提調學校官刻碑在洪  
武八年則脩學後所立也昔康海武功志不載大觀碑以  
爲縣縣皆有瑛此碑前代學制畧具他州縣多佚不見存  
其大凡亦足證史文闕畧也順治卧碑康熙訓士文饒陽

記四

學校

六

志載之今不錄者學校令甲非一州所敢私也州學廩膳  
生三十人增廣生三十人每試取附學生十八人所屬縣  
取入州學者二人武生十五人取入州學者四人

武彊學有元大德元年縣人翰林院脩撰牛繼志碑記謂  
舊學在城東南陬金季兵燬而岳德潤周宗魯先後脩建  
并見此記中饒陽學記刻於至元三十年者國子司業太  
原王構所爲文具稱舊學燬於金季至元初蠡吾李璧宰  
饒陽首謀建學未成洎十九年縣人高源自浙江道僉事  
轉河間都轉運副使始謀於知縣劉守德以舊廟湫隘改  
爲暨學得趙元帥及定興尹孫琛所施地營構新學其地



在城東北隅後蓋屢徙云安平廟學碑今存者以元國子監丞趙居仁所記爲最著其畧言金源氏之亾廟學掃地憲宗時主簿程亨招中牟王君玉教授此土而學宮蔑如春秋釋奠於諸儒之家爲故事至元七年之建大成殿也縣人李琇李格實助之大德六年蔣舉仁旣置禮器二百二十事又購田二百九十五畝以租粟供祀事有餘以廩師生碑立於大德九年從縣人鄉貢進士前真定府學錄李弘敬之請也自石抹山住以來脩造之績皆具是碑凡三縣廟學創於元代可考者如此自明以來因襲故迹踵而脩之往往刻石爲記然無可紀者其年世畧見於譜三

記四

學校

七

縣學額廩膳生皆二十人增廣生如廩膳員數每試武彊取附學生十五人武生十二人饒陽安平取十八人武生十五人蓋明制重學 國朝重廟明自洪武來頒學校格式妙選學官師生萃處於學以州所屬言之講堂齋舍多者至四五十楹 國初尙有存者可謂盛矣後乃稍稍傾圯諸生不復肄業學宮則移而羣聚於書院而學校之師與士之入學者蓋皆號而已耳而

天子尊禮孔氏自爲樂詩頌之天下歌以祀之舞用六佾自笙籥塤箎琴瑟簫管祝敔鼗鼓編鐘磬之屬畢具褒崇特至有司不能將明大化樂器闕焉不舉同治十一年汝



綸爲是州乃按圖籍考尺度製器備物募學僮教肄三月  
聲容彬彬然遂請於大府用樂舞侑生八十八人免當身  
差徭別以四十二人承其缺乏凡百三十人皆自以其私  
教二人用久次相嬗代置公田給其常費學使者侍郎夏  
公同善以員額多非故事持之牒禮部部是州所請其議  
始定此所謂緣飾吏事者也議卽定其於教育之義庸有  
當乎及汝綸去官選募不由伎能數年之間而樂舞曠廢  
廟學衰而書院義學始盛州書院明嘉靖二十六年知州  
余一鵬勸建者曰恒麓書院 國朝乾隆二十一年知州  
鄒雲城改建於西郊者方恪敏公爲之名曰博陵書院嘉

記四

學校

八

慶二十五年知州張杰續脩之改今名曰文瑞書院初尹  
侃括廢廟田九百三十四畝爲書院田至杰增田六百五  
十八畝又得錢千萬歲入子錢立條教延師都講道光二  
年總督大學士松筠疏言武彊縣書院由該縣士人經理  
條教最善杰所爲書院條教卽用武彊法道光元年鄉試  
涇州中式者五人此杰振興書院之效請下諸州縣以武  
彊涇州爲法有 旨從之咸豐三年城陷於賊杰所置食  
錢賈人乾沒之越十九年汝綸請於大府自涿州追攝賈  
人償逋負銀五千兩爲食錢武彊自乾隆九年知縣吳龍  
見始立書院十八年知縣姚德文名之曰潯川書院二十



七年知縣彭湜得婁氏別業改爲之易今名曰萃升書院  
其後知縣郭玉得銀一千六百兩絕產田四十九畝入之  
至五十八年署知縣吳士泓求書院舊貲追宿逋通玉所  
有者爲銀三千兩道光五年州書院歸錢二十四萬於縣

初三縣各入銀於州書院至是張杰歸之

饒陽書院名曰近聖始建於明嘉靖時知縣

張仲孝而隆萬間邵型萬獻策先後脩之重建於國朝  
乾隆時知縣單作哲而嘉道間王子音戚貞先後脩之當  
明萬厯初張居正秉政盡毀天下書院饒陽以僻邑獨存  
獻策之脩之也高邑趙忠毅公爲記引原伯魯不悅學以  
爲大亂之道其言絕痛安平故無書院康熙時陳宗石建

記四

學校

九

講學亭於學宮聚諸生使學海寧陳奕禧令溪澤桐城陳  
堂謀爲束鹿時時與宗石過從飲酒賦詩於亭下號爲三  
陳名士多從其游而無書院光緒三年知縣王家瑞乃創  
爲之名曰滋陽書院

義學三縣皆有而州爲盛載在乾隆州志者州曰玉帶街  
學城隍街學西景萌學大魏村學大冉莊學武彊曰西街  
社學李公祠學饒陽曰闕名學闕名學留楚村學小堤村

學小屯村學菜園村學里滿村學張莊學何莊學寺莊學  
安平曰學宮左學太僕寺學黃城社學傅莊學長汝村學  
馬店學子文村學侯宅學淀後學張莊學辛店學滿子村



學凡州所屬二十九學而州之玉帶街學武彊之西街社學安平之太僕寺子文辛店馬店四學皆已前廢其西景萌學始於康熙時劉翼軫與子泰祥仍世爲諸生合鄰族三十餘人爲社積錢立之至乾隆十四年知州姜泰嗣於景萌大冉大魏三學皆爲立條教約束而武彊諸生郭密自康熙二十二年始置義學田五十五畝後八年而知縣沈國幹乃創立二學自劉翼軫至沈國幹所立義學皆有碑記饒陽曹莊有知縣范鎔所撰義學碑記乾隆十六年刻石者而舊志無曹莊學蓋志失也安平別有羽林角邱義門別駕等二十學在舊志後及道光初張杰爲州悉括

記四

學校

十

境內廢廟田得五千四百四十餘畝增立義學至二百四十五區定師範五章學規制九十六章集錄學田畝爲書於是州境義學爲天下最然杰周防官吏而不檢士民及道光之季義學大抵皆廢豪民私攘學田弊端朋生不可究詰矣汝綸在州以爲學散在四境興廢自由官不能遍知又無良師長董之學雖多幾於村村有學實乃連數村無識字之民則上務爲名下私其利不責實之過也於是言於上官請檢視學審廢者沒入其田以爲書院田居一歲書院增田一千四百十九畝有奇乃制其出納之經厚給師生以其餘錢買經史彙籍恣高材者覽觀焉於是生



徒問業者四面而至書院駸駸日盛矣豪民前私攘學田者皆不便汝綸去而桀黠者間入京師交通御史劾奏汝綸破壞義學事下直隸總督遣官按治凡汝綸所檢田復還者大半而州判張映樞始事覈田也

左方涇州義學田畝

張杰時田畝後有改易廢省今依張映樞所覈為定

東南路東關學十七畝七釐五豪南關學十八畝石槽魏村學二十畝西郎里村

學四十畝一分西四王村學三十畝東四王村學二十畝盤里村學五十畝七畝東景

萌村學二十四畝七分趁村學八畝郭家村學二十五畝八分八釐張家郭莊學二十畝東

杏園村學七十一畝二分劉家元村學二十畝東李家莊學四十一畝六分七釐郝家莊

學二十畝清河坊村學四十四畝五分傅家池村學二十八畝九分大李村學七十畝潞

記四

學校

十一

泊村學三十畝徐祥口村學七十畝二分下博村學二十二畝五分三龍堂村學

十五畝棗科村學二十畝小魏村學十畝大魏村學四十一畝二分三釐西景萌村二

學二十三畝五分二釐五豪又五十畝七分二釐西董家莊學二十三畝二分八釐東李家窩學三十畝西李

家窩學二十畝六畝淺家莊學三十畝南邵家莊二學六十二畝六分六釐又二十三畝六釐張家城

東學十九畝三分三釐南黃龍村學二十三畝五釐握幘頭村二學十六畝又十六畝馬家口

村學十四畝東王家莊學十九畝二分四釐何家莊學十五畝安家莊學十二畝張家

莊學二十畝大孫村學二十畝五畝南網頭村學十五畝高家大張村學二十畝郭

錢屯學二十畝八分七釐五豪李管村學二十四畝七分三釐趙家莊學十八畝八釐張家屯學

十畝西王家莊學十二畝東安莊學十五畝東陽臺村學二十畝英武村學

二十畝三分八釐邢家村學二十六畝四分祖家城西學十九畝大隄上村學五十七畝九分七釐四豪



隄北何家莊學二十程家村學十四南辛莊學十六高趙圈村

學十四盧魏莊學十八張騫寺村學二十東馬莊學十四郭莊學十八

南馬莊學二十磨頭村學十七東柳林村學十六西柳林村學十九

分一釐一石家村學十八趙家空村學二十五張家迴龍廟學三十閻

習頭村學六陳二莊學十五戴家口村學九西南路潘家

莊學二十四東魏家橋學六馮劉康莊學二十高古莊學十六劉家蒲龍頭學十七焦莊學二十太古莊學五大郝科村學

三十五畝南花盆村學九白家村學十三東高家村學十二何辛莊

學二十一何辛莊學二十郝家莊學十五王家井村學四十九潘家

村一學十六朱老人屯學三十孫老人屯學二十丁家庵

記四

學校

十一

村學二十西高家村一學十九陳家口村二學二十

又二十一孤城村學十五南小營村學二十北趙家莊學二十馬家

灣村學十二徐家左村學二十西陽臺村一學三十一舊州

村學三十白家莊學二十西安莊二學三十五西杜家莊二

學二十八南和樂寺村學十六北和樂寺村學十八西

康家莊學十八西辛莊學二十八清輝頭村二學二十八

昂里村學二十七中魏家橋學十五白宋莊學四十牛家莊學二十

大染莊學二十王章市村學二十羊窩村學二十北家莊學十寨

里村學二十吳山莊學三十二一官莊學二十寶王家莊學四十韓

家莊學二十八東李秋村學十五馬欄井村學九徐家灣村



學四十三畝七分任家莊學十二畝周家村學二十畝七分靳家村學十畝滿家灣

村學二十七畝七分二釐徐家屯學六畝甜水井村學二十畝半壁店村學十八畝一分一釐

豪六北尚家莊學十三畝謝家沙窪村學十六畝北麥王村學十六畝大寺

家莊學二十畝五分北花盆村學十五畝三分二釐豪六絲三忽東北路西河頭村學十四畝九分北杏園村學二十畝北牛村學五十五畝七分北安莊學十六畝辛

村學三十四畝四分二釐周龍花村學二十畝八釐南史村學五十八畝九分五釐利仁村學二十畝南

周堡村學二十畝北周堡村學二十四畝三分八釐九豪北小營村學五十二畝四分窰子村

學三十八畝五分三釐商村學十八畝四分四釐楊家莊學十七畝九分四釐五豪北四王村學十畝良

知台村學四十畝大榆林村學二十畝穆家左村學五十二畝七分九釐封家莊學

十七畝六分七釐辰時村學二十七畝二分柏樹村學二十畝四分小黃龍村二十四畝三分七釐學校

又二十畝一分得朝村學二十畝大流村五十七畝二分六釐四分大麥霄村

學二十九畝三分六釐大謝村學五十二畝馮標村學十九畝五分南溪村學十二畝北溪村

學十畝西棗村學二十二畝七分三釐豪八豪五絲一忽西留曹村學二十畝北王家莊學十畝

大馮營村二十五畝又四分西開府村學二十五畝三分東開府村學

二十畝六分大固獻村學三十三畝五分西牛村學二十六畝八分東唐旺村學二十二畝七分崔

家莊學二十畝四釐白家固獻村學十六畝二分五釐豪七絲八忽西北路西街學四十三畝五分

大疇村學十畝五分西關學二十七畝四分馮家營村學六十二畝二分七釐一豪六絲段家左

村學三十畝一分趙伯莊學二十畝五分寇家辛莊學十一畝兵曹村學五十四畝七分

韓家莊學十八畝李們寺村學二十畝九釐小曹莊學十八畝四分西蒲疇村學

三十二畝得勝營村五十二畝又三十二畝西午村學三十一畝五分普樂村學十八畝九釐

記四



唐奉村學	十二畝	尤家禪院村學	十六畝	趙家禪院村學	三十六畝	宋家
營村學	三十一畝五分	柴家屯學	十四畝二分	尙村學	十四畝六分五釐	大賈村學
喬家辛莊學	十六畝四分八釐	劉家辛莊學	二十畝二分	邵甫村學	三十九畝七分	邵甫村
學	四十分三分	莊火頭村學	二十畝六分	西八弓村學	十八畝二分七釐三豪	穆村學
西馬莊學	二十畝	婆娑營村學	十九畝六分八釐			



